

奪臺中回簡此近古所無之變臣等之罪尤大不可一日在職請逆臣等之職鄭萬鍾林鵬趙士秀又啓曰齊陵行幸時使臺官備負留都者以糾察各司使不得作非而惠民署以任李世榮等與無賴惡少結黨招致醫女于本司晝則縱飲夜則率宿行淫其恣行至此而臣等冥然不察以及今日醫女等供招所載其時不能糾察大失留都之責臣等之罪大矣決不可在職請逆傳曰觀所啓是不有朝廷輕蔑法司至為煩暴必有其黨而亦必有謀議之事宜窮推痛治使如此之人不得接迹於都下可也大抵如此之事或欲搖動臺諫而故為之不可辭避也留都之負亦何以知惡少群飲之事乎勿避諫院啓黃汝獻事不見○日暈○丁未臺諫啓前事不見○夜南方有氣如火○戊申臺諫啓前事不見○已酉 御夕講○有鴟巢于勤政殿中層○臺諫啓前事不見○庚戌右副承旨朴洪麟以委官意啓曰永川人都致今已拿來推問則不無言語相通之弊請於當直推問何如傳曰如啓洪麟叅鞫都致于當直以委官意啓曰都致推之則以正守豆應乞等一族囚次知督現故捉付右人等于官因此嫌怨誣訴云而然正守招內以都致為正犯故今請刑推矣都致又云正守豆應乞岳守等五六人捉付立案今